

本书出版得到国家古籍整理出版专项经费资助

清代吏治史料

线装书局

官員管理史料 三四

清代吏治史料



經筵講官太子太保保和殿大學士兼管吏部戶部尚書事加叅級臣張廷玉等謹

題為合邑鄉村被盜事該臣等議得刑部咨稱安慶巡撫魏廷珍疏稱劉康錫等行劫合山縣監生張憲家傷人未曾得財一案經臣等擬杖流等罪具題嗣准部覆劉康錫上盜行劫毆傷事主不應發配內地將劉康錫改擬斬罪監候錯擬罪名之承審各官應令一併題參等因查錯擬罪名之處實因律無明註拘泥舊案情有可原但既奉取職名何敢抗違所有此案承審錯擬罪名各官係合山縣知縣李經和州知州蘓祉護安慶按察司事安慶府知府徐士林安慶巡撫魏廷珍相應一併題參聽候部議等因奉

旨此本內劉康錫等行劫張憲家傷人未曾得財一案始初魏廷珍將劉康錫審擬杖流經部改為斬罪監候查取錯擬罪名之承審各官職名據魏廷珍奏稱錯擬罪名之處皆因律無明註拘泥舊案情有可原但既奉取職名何敢抗違今開列職耳聽候部議等語朕將此詢問刑部大臣官員等據伊等奏稱律內九搶奪傷

人者若斬監候爲從各減一等又定例內九強盜傷人未死又未得財者照搶奪傷人律科斷是定例一條專指強盜傷人而得得財者言也今魏廷珍所題刁有先等既未得財而劉康錫毆傷事主自應照強盜傷人之律科斷不應將已故未會傷人之盜爲首坐斬而將下手傷人之盜爲從擬流也是以臣部按例改正至魏廷珍本內援引徐月劉四二案均係搶奪理合照搶奪本律分別首從定擬與此案不符難以牽合等語凡內外臣工辦理國家之事惟有據理秉公以期允當若部駁有差豈可遷就以失事之正若部駁果是又豈可膠執以護己之非朕之告誡內外大小臣工者不啻三令五申矣至於勉強曲從而語含譏諷尤卑賤之惡習豈人臣公爾忘私之道今劉康錫一案刑部援引律條甚明而魏廷珍則稱律無明註若果律無明註魏廷珍便當據理力爭而又云不敢抗違將職名開送似此反覆含糊之詞顯然譏諷部駁之過刻也夫部駁既已奉旨魏廷珍獨未思及乎九朕辦理之事若有未當之處最喜內外臣工直言陳奏即時改正何日不以此諄諄訓諭宣魏廷珍尚不知朕心而故作此不得已之狀違朕訓而傷政體耶著魏廷珍明白回奏該部知道欽此欽遵移咨到臣該臣查得此案前據署按

察司事安慶府知府徐士林詳盜犯劉康錫等行劫張憲家傷人未死又未得財因毆傷事主比照搶奪人律將爲首之刁有先擬斬已經病故將劉康錫等俱照爲從減等杖流前來臣查傷人影盜俱照盜首一例處決今劉康錫毆傷事主照爲從減等杖流合行查議駁行去後續據徐士林詳稱律內傷人影盜照盜首一例處決似專指得財之盜若未曾得財雖經傷人照搶奪傷人律故將劉康錫等擬擬爲從臣即據原招具題未便覆將駁語叙入隨奉部駁與臣初駁無異當即查取各官錯擬職名隨據知州蘇祉據知縣李經詳稱內有引援徐月劉四貳案以爲拘泥舊案情有可原祈轉詳免奏但既奉部查取職名何敢抗違等語此知縣李經請免奏職名之詳也按察使劉綬即據州縣原詳開列知縣李經知州蘇祉併署按察司徐士林錯擬各職名到臣臣又據按察司原詳并開臣錯擬各職統聽部議但逆據原詳奏處而知縣李經請免奏職名之詳夾叙於中所以前後不符至臣開具職名而不復再辨一詞者因臣已駁劉康錫應一例處決今部中亦駁劉康錫應擬斬之犯是臣之據原招具題實屬錯誤所以直開職名無可置辯臣實素疎愚如識短淺並無別情謹將前

後錯誤情由據實具奏等因將原抄咨送前來 查定例應擬斬絞人犯錯

擬軍流等罪者府州縣官降壹級調用司道罰俸壹年等語應將承審錯擬罪

名之含山縣調任懷遠縣知縣李經和州知州已陞江西廣信府知府蘇祉均

照例各降壹級調用護安慶按察司事安慶府知府徐士林照例於現任內罰

俸壹年查李經有加貳級蘇祉有加壹級應各銷去加壹級抵降壹級免其降

調至巡撫魏廷珍將劉康錫等擬罪之處從前既經駁查並不按律改正止據

原招具題及奉部駁取錯擬職名又不據實查奏仍將該縣免恭之詳含糊敘

入殊屬不合查定例督撫將奉

旨駁察案件含糊具題者降壹級留任等語應將安慶巡撫魏廷珍照例降壹級留

任查魏廷珍係革職留任之員其降級之處仍應註冊恭候

命下之日遵奉施行臣等未敢擅便謹

題請

旨雍正柒年閏柒月貳拾玖日題柒年捌月初壹日奉

旨依議魏廷珍降級之處著照例註冊

內閣學士兼禮部侍郎署理江西巡撫印務加一級臣張垣麟謹
題為報明事該臣看得

欽差廣東正主考張夢徵副主考嚴民法不遵

功令逸道冒支在江西省雇船前往又令家人持勘在各縣經由旱路支取庫糧
馬匹折給銀兩且勒各縣送填到日捷各屬呈報前情相應將張夢徵嚴民法
題參聽候部議臣謹具疏請

旨雍正元年閏九月拾壹日題捌月初壹日奉
旨該部察議具奏

吏部等部經筵講官太子太保保和殿大學士兼吏部戶部尚書事加二級臣張廷玉謹

題為題明事該臣等會議得雍正六年十月初一日至初十日所有官員降罰未完罰俸之案四件雜項未完降降罰俸之案三件承追督催不力降俸罰俸降級留任之案四十五件催追全完開復之案一件共五十三件相應開列彙

題俟

命下之日臣部等部遵奉施行臣等未敢擅便謹

題請

旨

計開

一件為奏銷康熙五十八年等事查得戶部咨稱原管廣東巡撫印務廣東調任總督孔毓珣均以康熙五十八年文職官員未完降罰俸銀一案

一年限滿仍未完解將原叅降罰俸銀未完之按察司司獄盧沆等咨
叅移咨吏部議等因前來 應將原叅降罰俸銀未完之按察司司

獄盧沆東莞縣中堂司巡檢諸體仁均照例各罰俸一年仍令完納惠

州府通判已陞本府同知徐慎照例於現任內罰俸一年仍令完納

一件爲奏銷雍正二年地丁等事查得戶部咨稱廣西巡撫金鉷以鬱林

州知州佟世俊原於養利州任內未完原叅雍正二年分降罰俸銀二

次一年限滿仍無完解將完解遲延之鬱林州知州佟世俊咨移咨

吏部議等因前來 應將完解遲延鬱林州解任知州佟世俊照例

於補官日罰俸一年仍令完納

一件爲奏銷康熙五十八年等事查得戶部咨稱原署蘇州巡撫事務張

坦麟以江屬康熙五十八年分未完降罰課稅銀兩一年限滿仍未全

完將江寧府通判高其倫等咨移咨吏部議等因前來 除江寧

縣知縣孔毓珠已經病故江寧縣知縣黃光夏已經別案革職均無庸

議外應將原叅本身降罰銀兩未完江寧府通判高其倫陽湖縣主簿

朱士介丹陽縣典史謝來學均照例罰俸一年仍令完納

一件爲奏銷雍正三年等事查得戶部咨稱湖南巡撫王國棟以雍正三年分奏銷案內原報未完降住罰俸等銀一案一年限滿仍無完解將原叅調任岳常道楊晏等咨叅移咨吏部議等因前來 除寧鄉縣

知縣潘璜已經病故江華縣典史龔逢年已經休致永興縣知縣周天相已經別案革職均無庸議外應將原叅本身降罰俸銀未完之岳常道已調湖廣驛傳道楊晏照例於現任內罰俸一年仍令完納長沙府同知馬世興照例罰俸一年仍令完納

一件爲節年民欠等事查得戶部咨稱原任陝西巡撫西琳以宜川縣知縣王志深等并前署中部縣事洛川縣知縣李震等那支兵糧一案一年限滿未據完報將賠補遲延宜川縣知縣王志深等咨叅移咨吏部議等因前來 除接署中部縣事候用知縣何任俟限滿補叅到日再議外應將原叅賠補遲延之宜川縣知縣王志深照例罰俸一年仍令完納原叅承追李震那支兵糧未完限內卸事之中部縣知縣因東

彞照例罰俸一年仍令督催查因東彞已改教職用應照離任官例於
補官日罰俸一年初叅承追之前署中部縣事延長縣知縣李宗望接
署縣事候補州判沈堡均照例降俸二級戴罪督催查李宗望沈堡俱
係署事官沈堡又經丁憂均應照離任官例李宗望於現任內罰俸一
年沈堡於補官日罰俸一年

一件爲容請代題等事查得戶部咨稱浙江總督管巡撫事李衛以衢州
府屬之西安縣未完雍正二三四等年學租銀兩各案一年限滿仍未
徵完將接徵署西安縣知縣董怡曾咨叅移咨吏部議等因前來

應將初叅接徵之署西安縣知縣董怡曾照例於此三案每案降俸二
級戴罪督催

一件爲奏銷康熙六十一年錢糧等事查得戶部咨稱湖廣巡撫馬會伯
以奏銷康熙六十一年錢糧案內原報通城縣未完知縣降俸銀一案
一年限滿仍無完解將接徵通城縣知縣周鉷咨叅移咨吏部議等因
前來 應將初叅接徵不力通城縣知縣周鉷照例降俸二級戴罪

督催

件爲題明事查得戶部咨稱原署蘇州巡撫事務張坦麟以原任陝西
邠州革職知州趙紹箕名下應追耗羨撥補虧空銀兩一年限滿並無
完報將初叅承追不力徐州知州張昕等咨移吏部議處前來

除署徐州事邳州知州曹瞻已經別案革職毋庸議徐州陞任知
州張文英俟補到日再議外應將初叅承追不力徐州知州張昕署
徐州事試用通判甯承謨均照例各降俸二級戴罪督催查張昕已經
別案降調甯承謨係署事官均應照離任官例於補官日罰俸一年

一件爲題明事查得戶部咨稱原署直隸總督事務何世璽等以洪天章
等欠王修德等參銀并未交的票一案一年限滿仍無解報將承追不
力撫寧縣知縣裘君焱咨移咨吏部議等因前來 應將承追不

力撫寧縣知縣裘君焱照例降俸二級戴罪督催

一件爲公務事查得戶部咨稱原任甘肅巡撫莽鵠立以寧夏各衛所倉
康熙三十四年供應喇嘛納齊札陰圖克圖等多支口糧奉部行令刪

除追報一案承追不力署寧夏縣事靈州知州蔡書雲新任寧夏縣知縣霍泰均未滿一年之限應俟霍泰限滿有無追完再爲詳揭移咨吏部議等因前來除寧夏縣調任知縣霍泰俟補到日再議外應將初叅承追不力署寧夏縣事靈州知州蔡書雲照例降俸二級戴罪督催查蔡書雲係署事官應照離任官例於現任內罰俸一年

一件爲據實呈明事查得戶部咨稱浙江總督管巡撫事李衛以已故蒼梧道李我郊借欠張晟小麥未完奉部着落伊子李宗渭等勒追一案一年限滿銀無完報將承追不力嘉興縣知縣戈鳴岐咨移咨吏部議等因前來除嘉興縣知縣劉德蒙已經別案革職又經病故毋庸議外應將承追不力嘉興縣知縣戈鳴岐照例降俸二級戴罪督催一件爲請

旨事

查得刑部咨稱原署直隸總督事務何世璽等以原任大名府通判達運未完借欠楊朝麟名下穀石一案一年限滿未據完報將承追不力大名府知府朱必塔咨叅原咨送吏部議等因前來應將初叅承追不

力大名府知府朱必塔照例降俸二級戴罪督催查朱必塔已補戶部郎中應照離任官例於現任內罰俸一年

一件爲行進事查得戶部咨稱原署直隸總督事務何世璠等以通州民人馬士龍所借原任郎中舒本圖本利銀兩又舊欠利銀一案一年限滿未據完報將追解遲延署通州事順義縣知縣廖翼等咨移咨吏部議等因前來 除通州知州黃成章吳問郊俱經別案革職均毋庸議外應將追解遲延之前署通州事順義縣知縣廖翼照例降俸二級戴罪督催查廖翼係署事官今調寶坻縣知縣應照離任官例於現任內罰俸一年

一件爲轉行事查得戶部咨稱原署直隸總督事務何世璠等以高登邦等欠王修德等參折銀兩一案一年限滿仍無解報將承追不力撫寧縣知縣裘君崧咨移咨吏部議等因前來 應將初參承追不力撫寧縣知縣裘君崧照例降俸二級戴罪督催

一件爲題明事查得戶部咨稱原任甘肅巡撫莽鵠立以寧夏各衛所倉

康熙三十年供應西寧來京喇嘛噴蕪噶隆等米草價值核減下利銀兩奉部行令追解一案又以寧夏各衛所倉康熙三十八年供應達賴喇嘛苦圖克圖等多支梗粟米料草束銀兩奉部行令追賠一案將承追之署寧夏縣事靈州知州蔡書雲等各叅移咨吏部議等因前來

除調任寧夏縣知縣霍泰俟補叅到日再議外應將初叅承追不力署寧夏縣事靈州知州蔡書雲照例於此二案每案降俸二級戴罪督催查蔡書雲係署事官應照離任官例於此二案每案於現任內罰俸一年

一件爲庫帑不容懸欠等事查得戶部咨稱原任甘肅巡撫莽鵠立以各官借欠病故西寧道趙世錫城工軍需銀兩奉部行追案內叅革同知張允震未完借欠西寧道庫銀兩一案六個月限滿未據完報將初叅承追不力安西同知李天成叅移咨吏部議等因前來 應將初叅承追不力之安西同知李天成照例降俸二級戴罪督催

一件爲楚省現任各官等事查得刑部咨稱湖廣巡撫馬會伯以當陽縣

解任知縣王國正應完特忝司道朋比侵銷等事案內節年俸工銀一千六百二十兩零一案一年限滿未提完報將承追不力當陽縣知縣王仲桂咨忝原咨送吏部議等因前來 除此案著王仲桂照例降滿業經照例議處外應將初忝承追不力當陽縣知縣王仲桂照例降俸二級戴罪承追

一件為飭委事查得刑部咨稱署理山東巡撫印務布政使岳濬以新城縣忝革病故知縣王僉吉應追未完虧空銀二千七百兩七錢一厘民欠穀價銀六百二十三兩七錢六分著落伊子王世箕名下追賠一案一年限滿並無完報將承追不力署新城縣知縣事劉正案咨忝原咨送吏部議等因前來 除原任巡撫塞楞額已經別案革職毋庸議

外濟南府知府張體仁調任布政使岳濬均俟補忝到日再議外應將初忝承追不力署新城縣知縣事劉正案照例降俸二級戴罪承追查劉正案已調黃縣知縣應照離任官例於現任內罰俸一年 一件為揭報虧空錢糧事查得刑部咨稱原任甘肅巡撫莽鵠立以原任

一 直督趙弘燮勒索已故灤州知州吳肇煌銀一萬五千三百五十八兩奉文著落承受趙弘燮產業之人名下勒追一案一年限滿並未追完將承追不力之署寧夏縣事靈州知州蔡書雲咨原咨送吏部議等因前來 除寧夏縣調任知縣霍泰并督催各官均俟限滿補叅到日再議外應將初叅承追不力署寧夏縣事靈州知州蔡書雲照例降俸二級戴罪承追查蔡書雲係署事官應照離任官例於現任內罰俸一年

一件爲縣令之貪婪等事查得刑部咨稱浙江總督管巡撫事李衛以嘉興縣革職病故知縣唐時雍名下應追贓銀一千七百二十一兩二錢四分八厘一案又以嘉興縣糾叅病故知縣唐時雍虧空未完銀四千一百一十六兩一錢七分二厘零米四千一百七十四石五斗二升九合一案又以嘉興縣糾叅知縣卞咸和未完侵挪民役軍欠銀三萬五千九百五十九兩一錢八分零米七百七十七石八斗六升零一案共三案俱一年限滿仍無完報將承追之嘉興縣知縣戈鳴岐咨原咨